

Gvangjsih Minzcuz Bau

ganbbau: CN45-0036 B.2014 Nd.3 Ng.19 liggaueq gyapngux nienz ndwengeih cibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3115期

Cunghgoz Minzcuz Yijvwnz Fanhyizgiz Sawcuengh Siz Guh Sat Hong Fanhoiz Vwnzgen "Song Hoih"

中国民族语文翻译局壮语文室圆满完成今年“两会”文件翻译工作

Cibngeih Gaiq Yinzda Ngeih Baez Veiyl, Daengx Guek Cwnghetz Cibngeih Gaiq Ngeih Baez Veiyl faenbied youq 3 nyied 5 hauh, 3 nyied 3 hauh youq Baekging hai. Vih guh ndei hong fanhoiz vwnzgen "song hoih" bineix, ndwencieng ngamq gvaq, Cunghgoz Minzcuz Yijvwnz Fanhyizgiz Sawcuengh Siz daengxcungq yinzyenz nem doenghboux lauxhangz fanhoiz daj gih raeuz gak dieg daeuj de, gungh 20 boux, rapdawz hong fanhoiz daihhoih vwnzgen baenz Sawcuengh. Gyoengqde ciuq anbaiz youq 2 nyied 20 hauh lajbyonghngoenz naengh

feihgih daengz Baekging, caeuq doenghboux lauxhangz 6 cungj vah minzcuz wng guhdoih, hainduj guh hong fanhoiz vwnzgen daihhoih caeuq caemh sing fanhoiz nem book.

Vih bauj yauliz sang, cizlieng ndei dwk guh ndei hong fanhoiz vwnzgen daihhoih, gibseiz dawz vwnzgen Sawcuengh hawj doenghboux daiyauj, vejyenz Bouxcuengh, Sawcuengh fanhoiz siujcuj doengz-caez caemhsim haenqrengz, gyaban gyarengz, cungj aeu lai ndei, ciuqseiz ciuqsoq guh sat fanhoiz vwnzgen daihhoih caeuq caemh sing fanhoiz

nem book. Haihoih geizgan, gungh fanhoiz cwnghfuj gunghcoz baugau, daengx guek yinzda cangzvejivei gunghcoz baugau, daengx guek cwnghetz cangzvejivei gunghcoz baugau, ceigauh yinzminz fazyen gunghcoz baugau, ceigauh yinzminz genjcazyen gunghcoz baugau daengj daihhoih vwnzgen 87 faenh, 32 fanh cih Sawgun, caemh sing fanhoiz nem book 10 baez, vih bineix "song hoih" ndaej swnhleih ciuhai ok goengrengz lai lo.

(Cunghgoz Minzcuz Yijvwnz Fanhyizgiz Sawcuengh Siz)

SIUSIK DINJ

简讯

● 3 nyied 14 hauh, boundaemcaz youq Cauhbingz Yen gwnz Byadanaujsanh ndaw suencaz mbaet buek caz seizcin daih'it. Dangqnaiz aen yienh neix 16 fanh lai moux caz gaeng ndaej mbaet lo, moix ngoenz daihgaiq miz fanh lai boundaemcaz mbaet caz seizcin.

(Lij Liengzyen Giuh Haij)

● 3 nyied 14 hauh, Yin-cwngh Yen gunghsangh, cizgenh, siuhfeicej hezvei daengj bumwnz lienzhah guh "2014 nienz '3·15' gozci ngoenz henhoh gienhleih bounsiuhfei camdap fuzvu hozdung", yienhciegz hawj vunzlai gangj siuhfei cihsiz, fat «Aen Fap Henhoh Gienhleih Bounsiuhfei» moq daengj swlhliu.

(Lanz Lungz Fan Sau-gvagh)

● Bi' gvaq, Dasinh Yen Wnhcwnghz Yangh gungh youq «Gvangjsih Yizbau», «Gvangjsih Minzcuz Bau», «Yinzminz Vangj» daengj gij meizdij si gaep doxhwnj de fat gaujgen 31 bien, youq «Ngoenzneix Dahsinh», «Dasinh Cwnghfuj Vangj», «Dasinh Dendaiz» daengj bo sinhvwnz gaujgen 85 bien. Neix hawj aen yangh neix lai miz mingz nem demlai yingjyangliz.

(Hij Cuilanz)

● 3 nyied 12 hauh dwg ngoenz ndaem faex. Ngoenzde, Gvangjsih gihciz gihgvanh 1000 lai boux ganbu cizgungh daengz Nanzningz Si Cinghsiansh camgya demlai yivu ndaem faex.

(Yi Sienghceenz)

● Geij ngoenz neix, Lungz-swngh Gak Cuz Swciyen Vwnz-vagiz daengz Mbanjvangzloz Yauzcuz guh vwnzva haeuj fanh ranz sawj ranzsaw nungzgyah hawj vunzlai souh'ik hozdung, soengq cihsiz hawj beixnuengx Yauzcuz. Dangqnaiz, aen yienh neix gungh miz 125 aen ranzsaw nungzgyah, hawj daengx yienh 10 lai fanh vunzmbanj souh'ik.

(Veiz Gizyangz Mungz Yinzlungz)

Lauxhangz Baijok Suhfaz Sawndip 古壮字专家举办古壮字书法展



3 nyied 12-16 hauh, boux suhfazgyah, Boux-cuengh lauxhangz Sawndip Vangz Yinghcin youq Sweigih Duzsuh-gvanj baijok suhfaz Sawndip de sij haenx, ndaej doenghboux lauxhangz suhfaz haenhndei.

Sawndip dwg gin-cung Bouxcuengh yungh daeuj geiq gojgaefangz, gofwen, vahbeij, danyw daengj, dwg gij saw Bouxcuengh gag caux gag rox gag yungh. Vangz Yinghcin daj ndaw «Sawndip Swdenj» genj aeu bak lai cih Sawndip daeuj sij baenz saw suhfaz, lij youq baihlaj gej eiqsei Sawcuengh, gig miz daegsaek. De baijok suhfaz Sawndip, dwg suhfaz gyaiq gienh saeh "daegbied" ndeu, hix dwg de vih vwnzva Bouxcuengh guh ok faenh rengz hung ndeu. Ndaw doz dwg Vangz Yinghcin caeuq boun-gonz doxgyau suhfaz Sawndip.

(Veiz Yennaz ingj/韦愿娜 摄)

Gangjbwz Gih Minzveij: Sonyinx Vwnzyi Yienjok Bwh Gvaq "Sam Nyied Sam"

港北区民委:指导文艺演出为“三月三”“热身”

Liggaueq sam nyied cosam dwg ngoenzciet Bouxcuengh bonjmiz de. Vihliux hawj ndaw gih gij vwnzyi saujsu minzcuz ndawbiengz ndaej yienj ndei, hawj vunzlai angqvauvau dwk gvaq ndei ciet "sam nyied sam", Gveigangj Si Gangjbwz Gih Minzveij giethab dangqnaiz gaihcanj dangj raeuz ginzung lusen gyauyuz sizsenj hozdung, cujciz minzveij lingjdauj

ganbu, cingj lauxhangz vwnzyi, lauxsae, giswh, haeuj daengz doenghgij vwnzyidonz ndaw yanghcin, cunh mbanj, segih daengj bae sonyinx baenzlawz engq ndei yienjok vwnzyi minzcuz ndawbiengz, hawj gofoux Bouxcuengh, Fwencuengh, Heiq-cuengh daengj vwnzyi ndawbiengz ndaej riuz nanz, mingz riuz bae gyae.

Dangqnaiz, aen veij neix gungh cujciz 33 vunzbaez, haeuj 6 aen yanghcin, 43 aen cunh mbanj, 3 aen segih bae sonyinx vunzlai yienj lienh vwnzyi. Neix hawj ndaw gih neix vunz saujsu minzcuz cauxguh aen fwnveiz minzcuz doxgiet, sevei onjdingh, huzndei doxgyaez, sim'angq bwh gvaq "sam nyied sam".

(Cinz Yingz Veiz Sauboh)